



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六六三

石龕詩卷十八卷附石龕詩餘偶存一卷 劉楚英撰

一

北戍草二卷附津案始末一卷倭文端公密疏一卷 張光藻撰

九五

一粟廬詩一稿四卷一粟廬詩二稿四卷 于源撰

一三五

鏡真山房詩鈔六卷鏡真山房試帖二卷 張鳳翥撰

二二一

使粵吟三卷 何桂清撰

二九三

餐芍華館詩集八卷附蕉心詞一卷 周騰虎撰

三〇七

餐芍華館遺文三卷 周騰虎撰

四〇九

古杼秋館遺藁三卷（文二卷詩一卷） 侯楨撰

四三九

養晦堂文集十卷養晦堂詩集二卷 劉蓉撰

四八九

達觀樓初稿十卷 易文濬撰

七二九

石龕詩卷

同治九年
孟夏刊於
粵西巖署

余幼喜吟詠苦無師承志學之年竊著有
古鑑雕蟲一十一卷自三皇至周秦擇其
可法可戒者臚列於古近體詩雖不能佳
而昕夕恒孜孜焉因此不事帖括並試律
亦不多作先大夫患之伺余他出開簾取
稿悉付祝融及余歸也大嚴詩禁不許復
作自是仰承親意殫精竭慮總不離乎舉
業近是古調不彈十有二年道光辛丑余
已四試春官仍緝轡而歸無聊之際輒作
小詩排悶時厥後復效蟲鳴故存稿斷
自辛丑要皆本事之作固未嘗閉門索句
覓題賦詩也或緣情或觸景或涉應酬亦

只作燕公紺珠記事而已其工拙所不暇
計歷年既久篋笥漸盈回憶先子詩禁是
詹詹者皆燼餘也兒輩乃恐其遺失請付
梓人獨不思貽笑方家益增罪過乎然藉
此就正大雅或晚年更有進境亦所深願
若以為一官一集則吾豈敢同治九年歲

次庚午天中節中江劉楚英自叙



石龕詩卷第一

小嶺山館集

道光辛丑壬寅

大木篇

中江劉楚英

湘芸

構樛大木三百株結根千仞山之隅不知盤錯幾千禩枝柯秀
直瘰癧無一株俯首卑而恭四五十圍雲霧封一株昂頭矗霄
漢蜿蜒天矯騰蒼龍一株五人聯手抱漢大將軍晚節保一株
童童若幢蓋東西交讓遵古道椅桐梓檜雜豫章二百餘株俱
棟樑大厦美材一邱聚安得置之壯廟堂白鹿松青牛梓爾無
偃蹇煙霞裏青銅柏黃金枿爾無山林以自甘搜羅採幹會石
時山靈為我好扶持

有所思

石龕詩卷第一

小眉山人有所思落葉打窗渾不知猿馬難鎖非非想千形萬
狀幻一時我思鼓琴到蓬萊手把芙蓉彩雲開十洲羣仙招我
游海水涼陰波濤堆我思挂笏登泰山膚寸觸雲澤寓寰洗心
來飲醴泉井巖咆巖鈴難躋攀我思騎龍朝玉京嘔生吹落贊
化成閭闔風高寒門閉九閭闔者不相迎我思獻賦詣金闕左
右庭中判暫勿會當漢武正憐才爭奈劉賈乏仙骨我思拔劍
追豪俠仗義輕生鄙彈鋏項籍無成況朱家儒墨排擠心非慚
我思鍊藥求神仙一身歷世千萬年鞭石成梁祖龍死虛無縹
緲吾疑焉不然我思鑿井畊田為堯農西嶠南畝荷鋤從早涼
可虞兼螟螣饑飢號寒空椎胸不然我思候時轉物微陶朱賈
累巨萬足全軀范蠡成名聊復爾何似扁舟泛五湖再不然我
思涸迹荒江之漁翁釣竿筐篚水雪中短狐噴沙射人影泛宅

飄飄悵秋風又不然我思結伴寄各之樵子伐木丁丁煙霞裏
深林叢薄虎豹踞雖執斧柯徒側視吁嗟乎滄海望洋倚嶺巖
碧落紅塵多驚怯學劍學仙兩不成農商漁樵豈吾業有酒且
斟有詩且吟清風明月悠然會心世事茫茫休逆料靈境幽寂
渺人到宜聖有言思無邪不如還從吾所好

雜詩

學筑致喪琴得魚竟忘笙心紛能轉失志壹識乃偏棄奕期鴻
鵠安能習其傳獵德斯得德祈禱貴精專運變陶士行砥礪百
鍊堅有固不寓目卓哉仲舒賢素悅姬孔道北學亦有年富貴
如雲浮肯使嬰性天

棠銘使刺蓬岷璞以抵鵲長才而小用千古同惋惜隨珠韞光
芒寶劍斂鋒錐神物豈自晦憂在投溝壑士生盛明時矯如雲

石龜詩卷第一

中鶴朝飛承明廬暮巢麒麟閣際會得風雲羽翼欣有託幸身
獻君王恥類衡環雀

登劍閣

控制斜斜鎮益州萬山圍住劍關樓我來獨上最高處叩壁岷

嶠一望收

高瞻遠矚倚蒼穹橫樹雄屏大劍中割據紛紛恃天險蜀門成

就幾人功

劉蕭直算是庸才如此雄關鎖自開只要一夫當一面看他兩

魏萬夫來

青鞋踏破萬重山七載六回過此間樓肩勞勞三級翻劉郎又

入劍門關

烏樓曲

西鄰趙姓從征粵東辛丑秋趙死于役其妻悲號無間晝夜
劉子哀之爲製此曲

一樹烏樓千點墨千樹烏樓聲拍拍入暮啞啞開城南顧領西
鄰少婦色少婦良人從征死空房啾啾長如此君不聞五更烏
啼哭聲起薄暮烏樓哭未止

買婢

買得鄰家婢姊妹花一雙自言崇陽人家本在臨江背水之田
有數畝朝耕暮織養八口今年秋漲一塢空茅屋石田不能守
罄誓無計鬻此身儼免俯畜累二人說罷眼淚涔涔落鵲形鵲
立惶我神婢兮婢兮汝無憂離離父母幸依劉吾家善馭人之
子水患豈止一家愁嗚呼水患豈止一家愁長空四望心悠悠
冬間

石龜詩卷第一

繡餘無語卸寒妝自挈薰篝伴阮郎肯效魏收驚蛩不嫌崔
珣賦鴛鴦詩成滴盡眼龍泪坐久添殘睡鳴香獨讀雙煙聯一
氣鐵衾深擁月如霜

野行

白日銜山悵遠途那堪更聽子鵲呼牆邊影落雙蝴蝶竹裏聲
藏幾鷓鴣古寺無人餘獨樹小橋卧犬吠平湖眼前一幅荒煙
雨畫作瀟湘晚景圖

寒泉作浪沁詩脾短短短短林映綠渾渾運水車輪溪代轉盤溪碾
穀水能推箔垂茅店鄉農醉簾捲簾輿野鳥窺萬物靜觀真自
得閒花送客過雲楫

散步

鴉返江城夕煙繞竹林碧空庭獨徘徊渾渾佳客澹然襟襟

蘇仰見新月白

還友人書復借書戲作

還書一鴟借書一紙請君釋疑毋以爲癡荊州雖好有成約久假豈可無歸時

十一月朔余生日也作此志感

秦時郊天日香山及第年光陰空在苒志業太遲延鉛槧羞揚子研經學老泉銷磨輪鑊盡仍坐孝廉船堂上椿萱茂偷閑且讀書以文爲奉養自省計居諸肅具衣冠拜欣承笑貌舒恩動敢云報夙夜永終譽

失恃常懷憾流年廿六更余生入越月阿兄應待側兄乃弟愧無成不憚青燈苦期邀紫誥榮生平無外慕此志卻堅貞年華虛擲去兒女已成行俯仰身難謝詩書債未償放請提劍

舞自祝引杯長潯泊惟居易窮通任彼蒼

課弟

七齡弱弟露奇英三百毛詩誦已成香草美人誰嗣響忠臣孝子各據情序宗卜氏源頭正箋是康成注臈明只此一經堪致用莫教專對愧公卿

嚴渭春孝廉招飲

君平招我飲向我索新詩令我苦搜枯腸數百回相對若無雙字堪贈還歸來擁衾不能寐忽忽如有詩魔騷擾之推金捉筆伸矮紙好似春蠶乍吐絲平生知交無蜀洛與君情緒更不惡君生甲戌我乙亥性情相近年相若男兒得志會有時眼前樽酒且歡樂嘯傲不必淩滄洲功名不必繪煙閣天上明月有盈虧雪裏梅花自開落要知十二萬年後英雄螻蟻同邱壑惟須

直養浩氣塞乾坤畢竟人生真貴在天爵

漫興

自慙家計拙經營二十年來事筆耕入世要能除習氣讀書何止爲科名不妨憂樂同天下但恐飢寒迫眾生今歲籌車雖未滿兩川穀價近來平

豆粥

本來家世素風清腹芥兒孫抵大烹聊辦一甌紅豆粥不思千里紫萸羹飯餘捫腹如填壑酒後開心似按兵真覺菜根滋味足製魚蝦慙愧公卿

午雞

鼓翼登壇氣自雄一鳴聲欲入雲中背毛腹義知多少可有飛鴻六翮風

曉出東門小憩武侯祠

日射龜城百雉紅牛江冬水一江風烏韓直陽寒煙裏人在南臺曉映中翩翩攜手傍江湄倒影波涵日接離同學少年腰腳健徒行徑到武侯祠

曉興

寒船吹曉凍雲開依舊鷓鴣聲噪古槐一種清香凝不散隔年春色上瓶梅曉汲清泉漱齒牙焚香靜坐讀南華怡然領畧逍遙意細歡長毫蒙頂茶

嘉平月蝕

重光赤奮君一歲月重蝕不因麒麟關君后自修職

蝦蟇在月中月反爲其蝕外暈猶可清難防是內賊

吾廬

縹緲萬卷擁吾廬小小鄉鄰耐久居瓊液試斟新釀熟芸編靜展古香餘綠窗暖日朝臨帖黃葉封門夜著書牀席塵埃隨處淨財知此樂勝觀魚

讀書

垂暮一心靜擁書萬事忘百家有饌美不厭百回嘗

溫胃生義理對鏡始無慙莫笑樓居近古今天地涵

照田蠶

長竿火炬照桑田平野光芒上燭天不是薪盆相暖熟只祈絲

穀勝今年

爆竹

神茶鬱壘字分明入夜千家爆竹聲只要居心無鬼蜮光天化

日自清平

爆竹聲騰數百竿山魃有膽亦驚殘昌黎夜坐休談鬼赤豆香

慶合飽餐

歲暮感懷

吾年十二三弄筆喜吟詠經餘受古詩彌讀彌愛敬時擬漢魏體頗能道情性自從事帖括此調遂變更偶拈八十字雕刻之清勁非復眞廬山面目慙對鏡二十走名場燕趙恥奔競握瑾難自售懷瑜且待聘繫馬黃金臺花驄空玉映至今又七載京塵猶未淨歸來一事無盡職惟溫清時清不防閒歲寒須砥行重理舊詩歌恬然安吾命

廿八日夜

夜來已見斗杓移課弟功嚴下學運書味濃於新釀酒年光賸似欲殘暮家因避債門庭靜筆爲哦詩雨露垂占取明年新景好燈花簇簇暖簾帷

除夕

千家司命醉初釀紅燭煨煙霽雲酌酒祭詩聊自補出門抱鏡欲何聞驚曉燕語寅朝報漢臘周正子夜分容易年光只今夕宜春帖子又紛紛

壬寅元旦

三元開運錦江春柏酒桃湯次第陳萬姓衣冠齊燕喜六街簫鼓樂駢臻已看故里風光麗回憶長安物候新寶宇鏡清春似海昇平何幸作兜民

道光太歲次壬寅僕指吾生廿八春往事何堪回首憶高堂且

石龜詩卷第一

喜笑言親呼重壻徑迎嘉客懷刺出門向喜神趨避未妨通雅

俗案頭鳳紀一編新

人日出西門用少陵韻

肩輿西出逢人日只當夔州踴躍看竹葉搖青新雨霽梅花綻白早春寒翫來絲女屏風貼爭抱聲琴背日彈漸見老成零落盡中州從此獻才難

十三日送益生弟蓉江兒入塾

阿弟今年方髫齡葩經成誦受書經阿兄閱世財六紀渾沌未鑿純性靈攜與阿叔同就傳不管愚頑和穎悟童穉總宜早讀書俗子那得知其故獨不見萊公八歲曉華山置身紅日白雲間一生相業何彪炳已於戲時窺一斑又不見公紀懷樞歸遺母六齡大義能不苟座中兒戲亦千秋本根及茲培蘊厚

十八日送家崧麓之大梁扶櫬名晉昌

此去梁園大慘情
鵲花滿眼淚縱橫
春愁壓馬千鈞重
怕聽招魂杜宇聲

珍重行滕愛此身
匆匆馬首向西秦
長江不盡征人淚
萬斛愁添萬斛塵

寄李懷庭師書履威遠

自違函丈候三年
何止人間歲月遷
從古文章關世運
於今吏治重名賢
佳荷瑞蕙秋霜滿
滄海橫流砥柱堅
極目十江煙水外
春風吹雨滿西川

鴻才容易立功名
百里安然致太平
經國有猷皆閎厯
勸農無語不推誠
山城花柳供詩料
驛路謳歌頌聲想
是一官爲一集
近來著作等身成

石龜詩卷第一

八

分付祥雲護法身
資中民父直稱神
才難何處求三異
道大如師有幾人
一任妍媸歸藻鑑
總教父老飲芳醺
他年作郡膺天寵
白鹿雙看夾輪

鶯花到眼又芳春

屈指歸來廿七旬
未策蹇驢將及負
空瀝秋雁把書陳
雙親聚首難輕別
萬卷從頭要認真
惟有師門恩似海
長依北斗望江濱

鈔詩

晴窗墨潤喜鈔詩
集輯前賢絕妙辭
選罷便鈔鈔罷讀
古人應感我生遲

種桂

小院新栽桂兩株
根猶未穩倩人扶
秋風爲祝天香滿
一樹須酬酒一壺

除卻蟾宮無此香
人間只有五枝芳
而今庭院看雙秀
留得一枝待小郎

三月朔日二女生

修聽呱呱出曲房
玉枝瓊樹夜凝香
生男生女休區別
一樣恩勤月長

嘯山曾文草堂風雨夜刪詩圖黎遠

喬木櫺櫺辭徑斜
草堂風雨打窗紗
夜來刪定新詩藁
燭向庭前數落花
廿七年來讀此圖
揮毫都在我生初
此年畫至今風雨經多少
畫意詩情尙宛如

病目

蒙寵病眼快春光
作楷粗能四五行
半日垂簾聊習靜
臨風開卷且焚香

石龜詩卷第一

九

卷且焚香縱觀不敢爲
青白收視何須計短長
幾雙直將雲水洗
晨昏細啜菊花湯

觀水

春水初榮小港東
風人立半邊橋
此間映帶宜修竹
鴨綠鴉青未易描
橋在錦城內

聽水

鳥弄歌聲雜水聲
潺湲入耳道心清
何須海上陶琴理
暫此臨流移我情

三橋散步

兩岬濃青夾水明
三橋小立晚風生
一時心境雙清處
斜倚石欄聽鳥鳴

雪愛霜髭老秀才
不支藜杖上橋來
未曾相見如相識
清德才

名莫浪猜才壯處知

借童牧村家木舟游江濱池擬登城障而至未果

乘輿而來興盡無堪人風雨滿平湖青衫烏帽蒼茫盡作波仙笠展圖

讀昌黎石鼎聯句

侯喜能詩新有聲如何眼底失彌明應歸道士洪爐鑄可笑詞人小器盈思竭垂頭看鼎沸章成擁鼻作雷鳴而今侯喜知多少安得張眉爲品評

贈鄧仲岷思哲

裏君詩卷燃藜讀黑夜才鬼隔窗吳落今古幾才人君豈名山獨角麟風檣陣馬不足方其武瓦棺象鼎不足爲其古荒園陵殿梗莽邱隴不足爲其怨鯨吐龍擲牛鬼蛇神不足形其幻

十

噲還一噴萬象暗奴僕命騷何胸襟際江漢之炳靈萃井絡之精英筆下無韓愈目中無韋平奇氣勃發不可收揮毫笑傲凌滄洲人皆對之喜且驚我獨對之憐且愁從來奇才多不偶荆山抱璞泣暗投願君須除才子氣不見夫詩人之詩味外味

題畫扇

自在中流一葦杭小橋青著笑囊不知何處深山寺多少游人來去忙

卽事

喚起應門五尺童輕衫小扇畫廊東攜鋤移桂達新雨候火煎茶趁曉風燕子來花旖旎魚兒呷破水璫璫心閒忘倚盆池久此樂何輸豪翁
午睡纔醒鳥語枕紋印臉鏡中看堆牀亂皮書千卷臨帖新

磨墨一丸人索楷書投素楚自鈔詩句上圖就慰忙竟日卻無事只爲耽吟愁肺肝

讀蘇文忠公詩集

世事升沈百不知自摩病眼看蘇詩不須施氏雙行注也解先生絕妙辭悟到有身爲疾處方知識字卽憂危忠規議論烏臺裏何止文章是我師

首夏書感

隨身藥裏與詩囊在處逢人不肯狂世事紛紛隨日出子懷渺渺極天長已傳名字難收拾未展經綸且退藏燕趙河潼車轍偏去年今日尙他鄉

鄧仲岷既和前詩再酬一首

和我新詩辭便輯一洗劍拔弩張習千慮一得我雖愚如君受

石龜詩卷第一

言不可及泰山河海自高深土壤細流隨所集直令心親敢復敬溫柔敦厚詩教立此論他人聞定笑惟我與子期允執近來

海內爲長篇體裁往往皆沿襲或無疾病作呻吟或非孤孽苦嘆泣或好說異失和平或侈博瞻反艱澀或矜曠達之真辛南華兩篇供撿拾或蕭元虛馭道流五千餘言吸殘汁紫色蠅聲

據詞壇那復清廟明堂什滑稽之權寓諸庸韞玉之石璫疑妄文章要自出機杼安能共人同呼吸今君求衣兼就學從師千里遠有笈從李西通先生再世李青蓮學詩須從遮裏入

時雨篇

大風撼山山水泣倒吹東海海水立猱龍戰罷一山腥噴出波瀾萬頃浪喚得阿香鞭雷公霹靂聲起傳熒紅照野驚殘害種蟲長我禾黍氣蓬蓬此時山農正望霖我爲田家喜不禁倚牀

靜聽過夜半平地如拾千黃金人言猛雨恐破塊我謂時雨不妨大天瓢傾盡猶破深愈見蒼穹膏澤沛

登南城晚眺借家木舟章牧村

我欲登臨雨不收縱無笠屐亦風流拚將帶水拖泥去直上南城外臨江路一條雨中行子馬蕭蕭晚來著我最高處俯看人

過萬里橋

雨似欺人卻避人不須默禱也通神區區多謝老龍子爲我先清下界塵

來何暮也去何遲天留雨意爲催詩風光如此無佳句孤負餘霞散綺時

曉雨

破曉高齋趁雨眠攬衣欲起復流連知無箇事來食底贏得新詩到枕邊香枕氤氳曾細炷藥爐分付要濃煎梅花夢被鴉聲攪滿地跳珠萬顆圓

領略炎天睡味清起來頓覺一身輕纖纖若體猶嫌薄纖纖於人太不情苦暈顛簸青楚泉疏竹簟翠生山椒野曠均霑足寄語天公好放晴

五月廿四日余生母張孺人生日也感賦

我母如在堂今歲財五十及辰舞斑衣也效老萊習吁嗟兒無福當此泪痕溼有妻能奉觴未向母前執有子能上壽未到母前揖卽率妻子拜靈兮豈來集阿兄隨黃壚或者膝下立一賦總相關幽明通呼吸憶兒別母時八月手中泣餘生月明奄忽廿七年春秋亦何急稍首忠音容音容杳莫測縱使橙牛祭亦

覺心悵悵况見尙無成染衣之柳汁安得紫詣歸褒榮奉食邑

排悶

世事何須問升沈付不知得閒聊飲酒乘興復吟詩一醉空千慮千篇共一紙長庚三絕後吾獨愛吾癡

登浣溪樓

今古此豈樓茫茫貉一邱乾坤容放腳風月入搔頭雲送元明去水仍江漢流我來新雨霽洗眼看西州

平生

脫粟充飢嘲腹便菜根敵斷未能賢平生事業思身後著實工夫在眼前力到有餘方續學行能無愧得安眠泥而不滓香偏遠莫讓溪溪獨愛蓮

洗日并序

方用新煎沸水盛以銅盆熨以掌心愈熱愈妙日久自明得之成都太守葉雲騰書東余行亦效

新得通靈洗目方水煎魚眼亦尋常招來慰貼憑雙手漸覺氣

益入兩眶銀海空明如撥霧金盆騰沸似探湯終朝數四休辭苦準寫蠅頭字萬行

竹裏追涼

萬籟龍吟暑不侵追涼移坐竹林陰每當斜日聞蟬鳴最喜臨風披我襟留客地宜叢桂好桂叢作詩人比入山深藥蕪滿院青休刻略見先生愛物心

呼兒起早

日影曉窗上畫廊呼兒起早人書堂曉須揭被翻驚妹嬌小穿衣尙待嬾未疊夾衫防夏冷省揮團扇爲朝涼聞安初罷

手畫承須多讀幾行

苦熱

纔見中庭沒太陽不衫不履任食涼一更時節暑稍退看到曉
眉月下牆

陰處偏多約腳蟲乘人欲睡卻成羣蕭疎塵尾難防備鳥爪麻

姑憫肉墳

小庭清似踰層冰臥室還如釜甑蒸一入紗幮汗發背股嫌餘

熱上青燧

烏皮几上又多時星斗光芒盡入詩畢竟竹夫人解事梅花清

夢替扶持

銷夏

銷夏勝金巨羅東南況在用干戈聞今日事徒憂慮與古人

稽自嘯歌晝正長時惟睡美天於雨後得涼多兩川差喜年豐

稔斗米千錢卻爲何年豐而

對月

自辭銀闕謫紅塵留得幾眉未了因竟欲問他千古月不知是

我幾生身滿天星斗光芒隱若箇詩人面目眞折桂廣寒曾幾

日嫦娥應悔負青春

六月十三日余生母張孺人忌日也臨祭感賦

失恃於今廿七年一回家祭一悽然人皆有母垂憐愛繫我獨

無空自憐

頻將小傳繙音容卽有音客入夢中小傳係李小孩太史所撰家君手錄從此夢

我眞廢詠何年竟取五花封

石龜詩卷第二

頤眞廬集 道光壬寅癸卯

中江 劉楚英 湘芸

六月十四日晚起看虹

蝦蟆在西日在東綠肥紫瘦雜深紅一彎橋影倚天半知是晴

虹是雨虹

午睡

倦時斜倚白簾眠手把鈔書落枕邊喚醒湘芸亭午夢隔窗高

樹一聲蟬

小院

小院沈沈惹畫眠桂花天氣雨如煙觀書眼澀慵開卷作字毫

頹嬾剪箋日倚龍鬚頻夢蝶風搖鳳尾曳鳴蟬軒然一覺談何

易忍聽秋聲京口傳

漸覺人情薄似紗黑甜滋味勝浮華秋風不動尊鱸想陰雨全

憑戶隔遮大被寬牀容我卧癡兒嬌女任渠譁睡魔偏被詩魔

勸深悔朝來飲臘茶

秋夜風雨交作

初睡猶看缺月明醒來檐鐵忽鈴鈴但聞金井梧桐響不聽瑤

階蟋蟀鳴一種燈檠澄夜氣四更風雨助秋聲關心丹桂弄黃

雪忍使飄零白玉京

醉書

醉寫烏絲字半斜人如退筆飲英華酒懷癡似顧三絕詩思遜

於溫八叉間喚蒼頭來雞草好留青眼去看花深深院落秋光

澹沒點屋聲入耳譁

九月三日漫成

草色侵階綠未刪
富門竹樹翠屏環
正長日已耽吟過
有用身因養病閒
幾輩才成經世業
故人名半列仙班
莫嫌小圃秋風冷
澹對菊花開笑顏

月夜

芭蕉深處溼螢明
殘菊叢中墮落英
半壁蟲吟秋月白
一林簫韻晚風清
鴉驚日出羣飛噪
雁帶雲歸曳遠聲
立盡閒階夜方丙
梧桐滿地露珠傾

夢中作

飲罷高樓夜倚欄
萬家煙火入雲端
不知身在九霄上
長嘯一聲風露寒

十一月望大霧復晴作歌紀之

與石齋詩卷第二

晨興啟雙扉曉霧撲人面
橫空白茫茫五步廡所見
濃霧騰虛堂非雨復非霰
百里應彌漫初只大如扇
作崇豈樹尤洪爐陰陽煽
浩氣塞層穹天地凝一片
人物游其中儼若金鼎臍
我欲乘之行潛潤衫痕現
須臾湧圓規約隱轉約變
披雲視青天樂廣令人羨
宇宙歟廓清百鳥俱懼怖
乃知冬景麗要有素霧宵
亦如君子德闡然不自銜
欲明先用晦靜對殊忘倦
呼童滴竹露和墨磨缸硯
晴窗閒且幽拈毫拂古絹
一場屢樓閣何有涿鹿戰
堂堂然志澄清攬轡攝詩卷

學書官卷

八十八行慎魯魚擗頭到底總無虛
四條懸對萬羅富一卷蠶翔意
舒江鼎務須精楷法臨池不敢作行書
內家規矩先求中真管他年聽唱臚

閱歷

年來知閱歷道味澹能留情重難為繼
恩多不易酬越秦誰一轍涇渭自分流
但使非同道孤行真與謀

家君病足不藥惟養偶得奇方一洗即愈
方用發麻陳艾

茹莖老鴉藤同煎

焦灼嚴君脚不仁
蹣跚隨侍已經旬
今朝杖履欣如昔
昨夜痰藤效竟神
始信奇方傳俗口
居然元藥入親唇
不醫一樣能全愈
怕是庸醫轉誤人

題林心柏丙南無名氏印稿

安漢林君嗜嗜古碑摹岫嶠文石鼓精研說文一十四旁通吾衍三十五今年二月入成都為我鐫石石不腐非花麵葉繪其神若鴉文象游厥祖雙眸那復怕酸風淺鏤深鏤心良苦得聞

與石齋詩卷第二

入肆肆蒐羅忽捧神物披塵觀六十二方何離奇雖與豆錯參伍良工留蹟不留名儼然白石古印譜喜出重價購不得市僧深藏若大賈千錢倘揚二三本歸置案頭時摩撫裝潢攜來索我題以手拂拭光廊廡游神羽陵剡綠間珊瑚交柯鸞鳳舞文石遇君石何幸憾不歸君為之主但恐此印他年落人手及今不取難再取一字直抵金一篋我亦欲揚數百部君不見我尚欲揚數百部君宜高懸用後如封侯萬戶

送李懷庭師歸南安省親

人生重知己大都在勢分誰知師道尊飲食而教訓憶昔登龍門德光幸親近寸衷如受戒美止載酒問律度懷步趨仕止皆令聞當公來蜀時鳴琴欣解綬實中得神君士民咸勵奮膏以十江波飲以千年福禮樂次第施羣綱尤不紊父母撫斯民恩

勤何所新豈爲小山游會當典名郡奈公孝思切視官賤如糞
報國歲月長世途況險峻承歡須及時感此嬌嬈爲挂頭
上冠爲解腰間印爲署太守衙娛親博上進頌朋父老挽不留
香花排雲陣攀轅期復來使君會重認五馬所經過在處澤甘
潤思公陳情志淵源覺愈清弟子復何言感運心亦順笑彼名
利客患失何鄙吝奔走形勢途指摩務曲徇先意復承志較親
爲尤慎及至庭闈間侍奉轉難訊匪無眞性情熱中珍誠信公
歸足以風頑懦應克振春水好放船秋月會逢閏計登九日山
班衣榮歸親

寄家松麓犀浦

酌應紛無半日間案頭筆墨債難還江城少箇讀書處要借君
家樓半間

我已名心退十分況無健筆可凌雲者番郡爲娛親計擬把
青蠅暑焚

四月十八日到家松麓紫筠池館會讀

行半半肩半書因緣重續十年初辛卯我輩曾惟知故我知
今我不愛吾廬愛子廬紫竹池軒容嘯詠青山樓閣自扶疎琳
瑯萬卷何須借只怕因循要做余

當代機雲屬玉昆弟射生乃航家學在吾門但看四壁皆獎訓
便覺寸心能內存壁間書貼東窗風月庾樓聯舊雨池塘謝草
倒芳樽大家砥礪期精進重把文章子細論

清晨聞杜鵑

睡眼朦朧夢境迷一聲驚破小樓西承平節候無南北杜宇都
應杜宇嘯杜宇都應

早起

早起庭前步翠微繡毬花放亦芳菲池軒雨過聽魚躍田塍風
來看燕飛意在尊生嚴酒戒人因嗜古被書圖清晨天氣涼於
水自檢巾箱換夾衣

工夫

滿架經綸汗萬牛我憑兩眼費羅龜工夫緊要須身體學問深
醇薄口頭擬把衆山歸一覽欲窮千里上層樓臨渠兼有臨池
興竹葉飛來逐水流

紫筠池館卽景

萬竹林中一鳥鳴滿園花影亂簾旌新渠淺淺綴無數小沼鳴
鳴魚有聲客我清閒眞福分被他束縛是科名鯁生亦覺鄉居
好風雨蕭疎夢錦城

梁燕新雛

漱齒溫經夏氣清一簾波影半陰晴飛來飛去新雛燕也有恩
勤嚮子情
畢竟新巢遜舊巢主人情重莫輕拋明年攜得新雛至梅雨棠
風訂故交

薄暮野望借松麓尉生聯句

濃雲如潑墨暈眼色立蒼茫未雨風先至無花草亦香
樓臺猶一角田水稻千行細緩步遲歸去聯吟逸興長生

苦熱

竹樓亦無風義御渾不轉地黃金在燦天青雲都翳林間沒鳥
鳴離角閩牛喘抱葉祇吟蟬爭陰來臥犬凡物猶苦熱貴賤人
孰免小園素清幽紫筠池館今朝最最熱國扇難揮遣汗珠

淡背流瀉衫就清盤禮爲吾輩設不然竟裸跣得閒此靜坐好
似稽康嬾呼童汲井泉茶煙鼻晴篆敲詩聊解煩絲筆傾雪盃
憑欄一披襟終鮮冷然善嗟彼咄田夫笠鋤事畦叻戴華正及
時赤脚蹋泥輒田水沸如湯奈事不可緩日中收糞子連柳車
輪輟氣若釜甑燕安得清涼散辛苦難具陳谷推且防曠稻苗
沉離離愁眉何由展五月已如斯三庚又豈但願出東海君一
雨洗炎旱

是夜果大雨枕上賦此

竟出葛陂東海君徹霄雷電洗炎氛雨師屈注銀潢水風伯灑
鋪玉壘雲魚夢惺忪欹枕聽龍腥彷彿隔窗聞披衣卻爲豐年
喜小沼檐花散錦紋

登街遠樓

石齋詩卷第二

六

風清日麗碧雲流手拂闌干到上頭樹外有人人外樹樓邊帶
竹竹邊樓二江汪濊千畦足萬景蔥龍兩眼收時雨新晴書大
有墨花香並綠秧稠

思親

最難風雨聚端陽骸疾纔瘳遽似裝不用黃童動扇枕偏因老
子懸斑裳白雲東望思親舍紫氣西來滿學堂忍淚不揮情更
苦倚窗潛下兩三行

憶內

生來膽小怯空房留著青鞋度楊旁疑陣只因防風竊補半曾
爲有羊亡賊成春餘惜計未滿牀兒女深閨夜半壁圖書野館
香小別殷勤煩致語教天塹寬狀元郎

憶弟

九齡頭角不尋常戴記讀完第六章月令已阿弟當爲魏叔子
乃兄殊愧陳元方聞臨楷法先須敬成誦詩書切莫忘腹有工
夫來侍立好將對句慰高堂見學

憶子

七歲癡兒半我長其頑如石太荒唐當思人已成童舉可笑爾
惟逃學忙論語大中須熟讀威儀行止要端莊從今離卻先生
候莫惱阿翁莫惱娘

紫筠池館卽事

攜得楚辭到枕邊讀殘一卷未成眠起來磨墨還書債自喜鈔
詩上錦箋涼翠滿庭飛乳燕濃青繞屋嘒新蟬池軒裏筆緒經
史團扇不揮亦灑然

六月二日移居街遠樓題壁

石齋詩卷第二

七

紫竹池軒地溼低又移書籠到樓西從今眼界寬多少以後詩
壇費品題細雨斜風隨我至是日朱欄畫檻與雲齊居然更上
一層了要有文章鎮五犀

好是周圍盡此君冬青一樹更纔紛書聲遠出聞於野墨采高
飛散作雲鹿眼離邊諸鳥韻鯢鬚簾外看人耘瓊瓏四面何清
徹窗對朝曦戶夕曛

獨學無多輪墨緣論交難得主人賢曾隨司馬游燕市止見李
方歸蜀川時生此上今則物換星移矣臨眺何勝今昔感遙
吟郡計後來傳西風一度朔風至擬借高樓住年此上昔感遙

僕指從前癸卯秋蓮池曾賃讀書樓一園花草歸新至十載風
塵感舊游癸巳甲午間余賃居蓮城張紀勝誰將太白比抗懷
差與子雲僑我來屋漏留鴻雪乘醉題詩樓上頭

午間飲酒作

滴庭香霧雨濛濛初聽雞鳴午風不用關心詩料會須到手酒盃空吟邊雲影當頭黑醉裏花光襯頰紅微盞紗櫺池更做安排茗椀戰諸公

贈濮伯平

斗衡大竹人家君門人漢桑之姪

不識岩渠濮伯平遠來千里一班荆六經之內無歧學三代而還思好名肯把文章動下問須知體要貴研精通家舊業商量好記取修辭在立誠

街遠樓即景

大風掀竹竹葉飛千個萬個打書幃四山雲起黑如墨截斷天西漏夕暉把卷樓中烏皮臥霹靂一聲肅然坐研池生波斑管香雨師要來催詩課

看山行

并序

石龕詩卷第二

八

六月六日細雨新霽斜日西沈湘芸偕崧麓尉生野行清風徐來一塵不動赤城霞起氣象萬千灌口諸峯羅列眼前顧而樂之留連不忍去歸製此行即題街遠樓壁庶斯樓不負此嘉名哉

昨夜大風吹雲落今朝細雨霏霏作亭午雨霽風亦清一天涼意滿樓閣飯餘攜手出門行少年喜起看山約日影霞光倒射三千丈照見巖巒無數聳西角或鏡如劍鋸或秀如蓮華或蜿蜒如神龍或天矯如飛鶴上有火雲如金點螺鬟下有江流如帶繞羊膊蒼巖丹嶂倚天半六月積雪沈陰壑巖巒其中山人應鑿手寒氣遙侵覺衣薄向來煙霧混溟濛斗見從龍翻驚愕我思杜宇都中無岡岳不識奇峯何名何處著疑是天彭山兩

峯相對眞秀削疑是丹景山嵯峨高峻不可度疑是青城山連峯接岫如關鎗疑是玉壘山今古浮雲氣磅礴不然即離堆迴崖昔爲李冰鑿不然即葛仙平陽端合道人託眼前邱壑不知名只因未放游山脚嗟余比走索蜀燕趙凡八年若問三川山水名勝殊愧作人生須著幾兩屐母爲名利苦束縛披綠蓑戴青箬竟欲賣書買山去飄然自取煙霞樂歸來登樓發浩歌月子一鉤明虛郭歌罷遙聞山寺鐘好似金波麗鳩鵲

燒蠟枕上作

帳縫偷鎖花股蟄膝牀攪破夢如雲攪衣夜起燃犀照長喙蜚聲只自焚到無聲處毒尤深么磨包藏盡禍心要識有人先伺汝難逃一炬莫相侵

石龕詩卷第二

九

書匿青林夜碧燭負山無力膽何羅乘晷欺暗真陰險貪到焚身計及無

晚眺

煙痕霧野輟子縣人在芳隄影在田陸海汪洋青不斷溪林圍繞碧成圓天高露下荷衣濕雨過風來塵網蠲前日袖詩曾此讀又收晚景入藤箋

水晶之瓶

水晶之瓶美薛子也歲癸卯夏閱讀書錄簡鈔數冊爲余私淑

水晶之子素王周京水晶之瓶運啟文清先聖後賢一體靈瑩如珪無藉如璞自成俾切磋琢磨俾無忝所生緬彼先正比德於玉其上達天其次致曲惟曲有誠惟天無欲

匪精思力踐則道脈伊誰續於戲德溫溫其如玉

赫赫三楊冀識其面職司糾劾禮無相見何物王振亦欽邦彥
愛翁公朝豈伊能賤有冰期霜有雪斯霰逢迎媒藥不拜其斯
刀鋸羅前讀易忘倦夫子將刑僕泪如線匪富貴能淫匪威武
能變思風節之懷惟知命則不眩

茫茫千載聖遺言湮讀書一錄腐敗後賢提學山左後文先行
濟濟髦士隨器裁成心與天通神契道妙攝其絃轅扼其體要
賦閒愈速從游愈眾蔚為儒宗人中麟鳳溯厥淵源繼魯齊作
上規洙泗亦逮濂洛繫余生晚竊師古人倘有典型問道河津
水晶之瓶四章二章章十句一章二十句一章二十四句

犀浦雨行戲演禽言

泥滑滑泥滑滑風蕭蕭雨颼颼連日風雨昨日晴今朝出門

四石齋詩卷第二

十

雲又合非烟非霧塞半空如醉如膏怕踐陽田畔豆苗深官路
草色雜問爾何事如許忙飛來飛去不能答泥滑滑泥滑滑恐

向雲林繞三匝

行不得也哥哥錦城之西犀浦之東泥淤滿路矧浣池龍駕
蹇正作崇嗟爾行人奈雨何與天書聊輒叱撥背難駛脚蹇中
道游泳中河如隔九坂雪如過二陵坡行不得也哥哥短征猶
如此長征髮絲幾倍多

七夕詞

銀燭一水年年隔年年相會祇今夕今夕花瓜到處陳人聞
設合歡席人間夫婦偕白頭百年一滿日西流天上牛女猶相
遇一年一度互千秋千秋相遇願如故支機石畔話家務問郎
研餘幾年食問女絳得幾疋素有食免教人譴郎有素可爲公

子裳天上猶須重辨織人間得不勤農桑農桑明纖巧依樣乞
應不在金盤上北斗爲杯露爲漿新月作鉤雲作帳帳前一杯
覆一盃舊愁新喜一時來分付靈鵲重料理今歲填橋要兩回
月七

又一首

兩年在案過七夕今年犀浦風雨隔夜涼雲淨坐池軒蕭蕭見梧
桐秋月白雙星炯炯渡河梁舉杯邀星並邀月人生踪跡類轉
蓬相會相拘一定格離家咫尺憶雲城況在異鄉爲異客未知
明年又何處銀漢無聲情脈脈

晨起

晨起蟬聲滿一樓竹陰濃處氣先秋有人來聽讀書史獨我高
歌自唱酬倚檻觀雲山疊出落花依草徑偏幽畫中詩與詩中
畫但向詩求如畫求

四石齋詩卷第二

十一

枕上作

睡醒藜牀自背書滿庭蟋蟀雨餘初紗幮輕影飛蚊蟻石沼涼
波躍鯉魚暗室沒燈懸缺壁秋人無夢到華胥銅壺止止窗櫺
明高樹蟬聲入我廬

秋夜追涼

炎蒸欲雨欲晴天咏月艸花茵草眠園小秋陰多促織林深夜
靜有鳴蟬棋枰詩卷消長夏老鼎香爐生澹烟塵尾頻揮敲白
鳥一簾波影屋如船

獨坐

獨坐西樓曉窗初扶疎何異愛吾廬恥爲身外無憑事喜讀人
間有用書一縷妙香通性海萬間廣廈開經舍高堂難道惟炎